

УЛАКЪЛАНЫ МАХТИГЕ – 70 ЖЫЛ

Махийланы Хамангерийни кызы Людмила, Гуманитар тинтиулени Институту – Федерал илму ара «Россей илму арасыны Кыбарты-Малкыар илму арасы» деген Федерал кырал бюджет илму учреждениясыны филиалыны кырачай-малкыар тил бёлюмюню тамата илму кыулукчысу, директорну орунбасары, филология илмуланы кандидаты, liudmila.makhiieva@mail.ru.

Локияланы Магомедни кызы Жаухар, Гуманитар тинтиулени Институту – Федерал илму ара «Россей илму арасыны Кыбарты-Малкыар илму арасы» деген Федерал кырал бюджет илму учреждениясыны филиалыны кырачай-малкыар фольклор бёлюмюню кичи илму кыулукчысу, lokaeva.zh@mail.ru.

Статья белгили тюрколог, филология илмуланы доктору, профессор, Кырачай-Черкес эм Кыбарты-Малкыар республикаланы илмусуну сыйлы кыулукчысу, Халкыла аралы тюрк академияны академиги, Россейни тюркологларыны комитетини члени Улакъланы Зейтунну жашы Махтини 70-жыллык юбилейине жораланады. Улакь улу кёп жылланы ичинде, кырачай-малкыар, тюрк тиллени, саулайда Россей илмуну айнытууга уллу кыйын салады. Аны тилни энчиликлерин, жүрютюлюуюн эм тюрлениулерин тинтиуге жораланган илму ишлерине, китапларына, сёзлуклерине, статьяларына алимле бийик багъа береди. Ол онтогуз китапны, 170-ге жууук илму статьяны авторду. Улакъланы Махти республиканы илму эм жамауат-маданият жумушларына да тири кыатышады, миллетини хар жумушуна да кыйгыра билген, белгили алимди. Башында саналган затла алимни илму ишини магъаналыгына, тюрк тиллени тинтиуге бла, саулай филология илмуну айнытууга уллу кыйын салганын, бююнго заманны излемлерине кёре жумушланы тамамлаганын шартлайдыла.

Баш магъаналы сёзле: белгили алим, тюрколог, профессор, кырачай-малкыар филология, социолнгвистика, лексикография, терминология.

Улакъланы Зейтунну жашы Махтиге 2021 жылда 26 февральда 70 жыл толганды. Улакъланы Махти 1951 жылда Кыргызы ССР-ны Чуйский районуну Дон-Арик элинде тууганды. Аны сабий жыллары кёчгюнчюлюкте ётгенди. Улакъланы юйюрлери сюргонден ата-бабаларыны жерине кыйтхандан сора, ол, 1968 жылда Лашкута элни школун бошоп, 1969 жылда Кыбарты-Малкыар кырал университетни тарых-филология факультетини орус-малкыар бёлюмюне окьургъа киреди. 1974 жылда университетни таусуп, Кыбарты-Малкыарны илму-излем институтуну (бусагъатдагы Кыбарты-Малкыар илму арасыны гуманитар тинтиуле бардырган институту) кырачай-малкыар тил бёлюмюнде ишге тохтайды. Ол арсарсыз илмуну жолун сайлайды. 1976 жылда кыралыбызны ара шахары Москвада Тил билим институтну тюрк эм монгол бёлюмюню аспирантурасында окьургъа кёлленеди.

Кеси халкыны кёлден чыгъармачылыгын жыйып, китапла жарашдырган акылман, илмуну, жазуу ишни да кыйматын, кыйынлыгын да уста билген, окьургъа тебиреген жашын аллына олтуртуп: «Мен сен илмуну жолун сайлаганынга бек ырызма. Халкыбызны кёлден чыгъармачылыгында, тарыхында, тил билимде да алыкына тамамланырыкь ишле кёпдюле. «Эл жарсыуун эр этер, эр жарсыуун эл этер» деген бурунгулуну акыл сёзлери барды. Аллай жумушланы сенича жашла тамамламасала, ким тамамлар? Алай, билип кый, «Илму бла кюрешиген ийне бла кёр кызганчады», эсингде болсун

«Алим болгъандан эсе, адам болгъан кыйында» илмуну жолунда, халкынгга, миллетинге жарарча алим болсанг, аны бла бирге уа адамлыкъ сырынгы бийик тутсанг, мени бек ыразы этериксе, миллетни, кыралны аллында да уланлыкъ, инсан борчунгу да толтурлукъса...» – деп, андан сора да кѣп насийхат сѣз айтып, жүрек ыразылыгын берип ашырады.

Атасыны ол сѣзлери бюгюн да, аны жашау жолунда кѣп затны оюмлатханлай, адамлыкъны бла алимликни бирча багъалай билирге, илму жолда таукел жүрюрге кѣллендиргенлей турадыла.

Улакъланы Махти, аспирантурада окъуун бошап, «*Термины животноводства в карачаево-балкарском языке*» [Улаков 1983] деген ат бла диссертациясын жетишимли кѣруулап, ишлеген Институтуна кыйтады, анда ол кесини усталыгын айнытады, бир ненча жылдан кырачай-малкыар тил секторгъа башчылыкъ этеди.

Ол жыллада кырачай-малкыар тил бѣлюмню алимлери бла бирге ючтомлукъ ангылатма сѣзлюкню биринчи томун хазырлайдыла. Кысха заманны ичинде аны коллективде профсоюзну таматасына айырадыла. Тутхан ишин тийишли бардыргъанын, иш кѣллюлюгюн кѣрюп тургъан профессор Гугов Р.Х. (ол заманда Кыбарты-Малкыар илму-излем институтну директору) аны илму иш жаны бла директорну экинчиси этерге излейди. Коллективни ыразылыгъы бла Институтну илму совети республиканы Правительствосуна тилек кыагыт жибереди. Правительство республиканы Президентинден ыразылыкъ алгъандан сора, Улакъланы Махтини ол кѣуллукъгъа саладыла.

Алай бла, илму тинтиулени жашаугъа сингдире, тюрлю-тюрлю кырал комиссияланы ишлерине кытышады, терс-тюз жерлерин кѣргюзтүп, оюмун, насийхат сѣзюн айтады. Аллай тюбешиулени биринде, Институтда илму иш кылай кыралгъаныны, баргъаныны юсюнден аны Кыбарты-Малкыар Республиканы биринчи Президенти Коков В.М. эм вице-президенти Губин Г.С. энчи чакырып сѣлешедиле. Ол алагъа кырачай-малкыар тилни ючтомлукъ ангылатма сѣзлюкню биринчи тому хазыр болгъанын эм аны басмаларгъа ахча тыйгыч болуп тургъанын айтады. Заманнга кѣре, ол республикагъа, кыралгъа да кыйын кезиу эди, болсада, Правительствону Председатели (ол замандагъы) Черкесланы Г.М. сѣзлюкню чыгъарыргъа кырал бюджетден ахча бѣлдюреди. Бу жумушланы тындырыуда халкыны жарсыларын хар заманда терен ангылагъан Зумакулланы Б.М. билеклик этеди. Сѣзлюкню томлары хазыр бола баргъаны бла ала башха-башха жыллада 5 минг тираж бла басмадан чыгъадыла. Ол жетишимлери бла кыанатланган жаш алим кесини доктор илму ишин кѣолгъа алады эм 1994 жылда «Проблемы лексической стилистики карачаево-балкарского языка» [Улаков 1994] деген ат бла монографиясын басмалайды, анга эм ол темагъа басмаланган илму статьяларына таянып, 1996 жылда Мосвада Тил билим институтну диссертация советинде доктор диссертациясын жетишимли кѣруулайды.

1999 жылны январь айындан башлап, бюгюннге дери, Улакъланы Зейтунну жашы Махти Россейни Илму Академиясыны Кыбарты-Малкыар илму арасыны таматасыны илму жаны бла экинчиси болуп ишлейди. Илмуну бюгюнгю излемлерине кѣре айнытуугъа уллу кыйын салады. Республиканы илму бла байламлы, миллет-политика эм маданият ишлерине тири кытышады, андан тышында да Институтну кырачай-малкыар тил бѣлюмню баш илму кѣуллукъчусу болуп, кѣп жылланы бет жарыктылы урунады.

Ол тюрк лексикологияны бла лексикографияны, заманнга кѣре тюрлениу амалларын энчилеп, терен тинтеди, кырачай-малкыар тил билимде кѣп ачыкъланмагъан соруулагъа жууап излейди. Аны онтогъуз илму китабы, ол санда сѣзлюклери, илму-методика ишлери, 170-ге жууукъ илму статьялары басмалангандыла. Ала, белгили тюркологла чертгенча, кырачай-малкыар тил билимни угъай да, саулайда тюркологияны, лингвистиканы бай хазнасыдыла.

Улакъланы Махти окъутуу ишге да уллу кыйын салганды. Ол 2000–2006 жыллада Къабарты-Малкъар кырал университетни кырачай-малкъар тил эм адабият кафедрасында профессор болуп ишлегенди.

Аны «История карачаево-балкарского языка» (кысха лекция дерслери) [Улаков 2001], «Письменные памятники тюркских языков как источник истории современного карачаево-балкарского языка (спецкурс)» [Улаков, Чеченов 2003], «Очерки истории карачаево-балкарского языка» [Улаков 2005], «Карачаево-балкарско-русский словарь лингвистических терминов» [Улаков, Махиева 2008] эм дагыда кѣп башха дерсликлер и бла китаплары, сѣзлюклери студентлеге, магистрлеге, аспирантлаге, алимлеге, устазлаге да, билимлерин кючлер онг бередиле.

Белгили алимни арт жыллада басмаланган илму китапларыны, статьяларыны юсюнден айтханда, алада жашауну тюрлениулери бла байламлы тил билимде жангылыклаге аслам эс бурулады. Сѣз ючюн, Шимал Кавказны тиллерини энчиликлерин ачыкылауга, кырачай-малкъар тилни терминологиясына жораланган ишлерин да энчи айтырга тийишлиди: «Языковая ситуация в Кабардино-Балкарской республике: состояние и проблемы» [Башиева, Улаков, Хамдохова 2016], «Правовой статус кабардино-черкесского и карачаево-балкарского языков как один из способов их защиты и сохранения» [Башиева, Улаков 2015], «Проблемы терминологии карачаево-балкарского языка» [Улаков, Махиева 2019] эм д.б. Бу илму ишледе битеудуния кырам бла бирликде ѳз тилге энчи кыйгырылуку, аны саклар, айнытыр, журютюр, тинтир амалла да излендиле эм аз санлы миллетлени миллет тиллерин саклау бла байламлы кѣп соруулаге кыралдыла.

Улакъланы Махтини алимлени кыаууму бла бирге чыгарган «Трансформация системы ценностей населения Кабардино-Балкарии в современных условиях» деген монография Россейни илмула академиясыны 2019 жылда жетишимлерини тизмесине киргенди [Кушхабиев, Улаков и др. 2019].

Сынамлы алим, Къабарты-Малкъар илму араны гуманитар тинтиуле бардырган институтуну кырачай-малкъар тил бѣлюмюню илму кыуллукчулары бла бирге жарашдырган «Кырачай-малкъар тилни ангылатма ючтомлук сѣзлюгюн» [КъМТАС I 1996; КъМТАС II 2002; КъМТАС III 2005], «Кырачай-малкъар тилни синонимлерини сѣзлюгюн» [КъМТСС 2017], «Современный карачаево-балкарский язык» [СКБЯ 1 2016; СКБЯ 2 2018] деген эки кесекли илму ишни, жаланда кырачай-малкъар тилге угъай, саулай тюркологияда уллу магынасы эм кыйматы болганы Россейни тюркологларыны комитетинде чертилгенди. «Современный карачаево-балкарский язык» деген академиялы илму ишни проектине илму жаны бла башчылык Улакъланы Махти этгенди.

Андан сора да ол алимлени эм адабиятыбызны келечилерини юслеринден иги кесек статья, очерк да жазганды [Улаков 2010], бир талай илму китапны, илму жыйымдыкны редакторуду, аланы асламысыны редколлегияларыны члениди. «Известия КБНЦ РАН» деген белгили илму журналны баш редакторуну экинчисиди. Республиканы телевидения бла радио бериулерине да дайым да тири кыатышханлай турады.

Улакъланы Махти миллетни, республиканы да тамблагы кюнюн теренден оюмлаган, саулайда тил билимге эм тюрк дунияны ниет маданиятына уллу кышумчулук этген, жаш тѣлюню илму жолун ызлаган, республикаге, кыралга да жарарча алимлени хазырлаган огъурлу насийхатчыды, бийик даражалы алимди. Аны монографиялары бла статьялары саулайда тюркологияге уллу кышумчулук этедиле, Россейде эм СНГ-ны кыралларында, узакъ тыш кыраллада да басмаланадыла. Дунияге кѳз кырамы да кенг болган алим, тамблагы кюнню ѳчюлмезлик жарыгы билим бла илму болганын теренден ангылайды, не жаны бла да анга кышумчулук этерге излейди.

Бююнлюкде гуманитар тинтиуле бардыргъан институтда, ол къурагъан лингвофольклористика илму школ жетишимли ишлейди. Профессор, кёп жылланы Къабарты-Малкъар кырал университетни диссертация советини члени болгъанлай келеди, республикада, андан тышында да кандидат эм доктор диссертацияларын къоруулагъанлагъа жакъчылыкъ (оппонентлик) да этеди, Халкъла аралы илму конференциялагъа, конгресслеге, симпозиумлагъа, форумлагъа да тири къатышады.

Улакъланы Махти ишни юсюнде кёп затха юйретген насийхатчыларына, артыгъыракъ да Ахматланы Ибрагимге, Гугов Рашадха, Иванов Пётрге хар заманда да жюрек ыразылыгъын билдиреди. Ол ишлеген жеринде таматалагъа, тенглерине билеклик эте, уллу сый, намыс да бере биледи, ала да аны сыйлы кёредиле. Баям, ол затланы бирикдирген адамлыкъ, огъурлулукъ, тюзлюк эм дагъыда алача башха шартладыла.

Устазлыкъ ишини юсюнден айтханда уа, аны башчылыгъы бла оннга жууукъ аспирант, илму ишлерин жетишимли къоруулап, филология илмуланы кандидаты деген атха тийишли болгъандыла эм, илму башчылары юйретген жолдан таймай, тилибизге, маданиятыбызгъа да тийишли къуллукъ этедиле.

Улакъланы Махти илмуда жетишимлери эм жамауат-кырал ишлеге тири къатышханы ючюн *Къабарты-Малкъарны сыйлы грамотасы* бла (1996), *Россейни илмула академиясыны сыйлы грамотасы* бла (1999), *Къабарты-Малкъарны Парламентини сыйлы грамотасы* бла (2011), *Къабарты-Малкъарны Айырыу комиссиясыны сыйлы грамотасы* бла (2007), *РИА-ны Къабарты-Малкъар илму арасыны Президиумуну сыйлы грамотасы* бла (2011), *Къабарты-Малкъарны Гуманитар тинтиуле бардыргъан институтуну сыйлы грамотасы* бла (2016), Къарачайда бардырылгъан «ХІ Крымшамхаловские чтения по проблемам карачаево-балкарской культуры» деген форумда «*Современный карачаево-балкарский язык*» деген проект ючюн «Наука» деген номинацияда (2018), «*Къулийланы Къайсынны*» (2019), «*За мир и гуманизм на Кавказе*» (2021), «*250 лет единения Ингушетии с Россией*» (2021) деген майдалла бла саугъаланнганды. Ол «*Къарачай-Черкес республиканы илмусуну сыйлы къыллукъчусу*» (1998) эм «*Къабарты-Малкъар республиканы илмусуну сыйлы къуллукъчусу*» (2001) деген атлагъа тийишли болгъанды.

Улакъланы Махти хар заманда да халкъыны кёлден чыгъармачылыгъына уллу эс бёлгенди, миллетини ниет хазнасын сыйлай, багъалай билгенди. Аны юсюнден филология илмуланы доктору, профессор Кетенчиланы Мусса кесини статьясында былай жазады: «Улакъланы Махти халкъны кёлден чыгъармачылыгъына къачан да сакъ кёзден къарагъанды. Фольклор – халкъны оюм шауданыды, анда тёлюлени жашау сынауу, миллет энчилиги да кёргозтюлюнеди. Халкъны кёлден чыгъармачылыгъы эм миллет адет-тёреси – бизни бююннгю билимбизни, жетишимлерибизни да мурдорудула» [Кетенчиев 2001]. Баям, ол затны теренден ангылау Улакъ улуну илму экспедицияланы къуаргъа эм ол экспедициялагъа къатышыргъа кёллендиргендиле. Алай бла, Къабарты-Малкъар илму араны гуманитар тинтиуле бардыргъан институтуну келчилери бла бирге кёп кере Къабарты-Малкъар эм Къарачай-Черкес республикалада, Тюркде, Шамда (Сирияда), Иорданияда да илму-фольклор экспедициялагъа тири къатышханды. Ол экспедициялада жыйылгъан материалланы асламысы бююн да Къабарты-Малкъар гуманитар тинтиуле бардыргъан институтну фоноархивинде сакъланадыла, материалладан къуралгъан бериуле бююн-бюгече да радиода, телевиденияда да кезиуден-кезиуге бериле турадыла.

Ол экспедицияны баш борчу – адыгыла бла къарачай-малкъырлыланы тыш къыраллада диаспораларын илму жаны бла жокъларгъа республиканы жамауаты Правительствосуна борчлайды. Жумушну тынгылы къуаргъа төрт къуллукъчуну (Улакъланы Махтини, Рахайланы Анатолийни, Елеев Лукьянны эм Семенов

Юрийни) Турциягъа, Сириягъа эм Иорданиягъа жибередиле. Ала он кюнню ичинде экспедиция ишлерик шахарла, жерлешлерибизге бериллик соруула, алимлени ашар-жашар жерлери, айланыр улоулары дегенча затланы юслеринден келишим этип келедиле. Ызы бла илму экспедиция (эки къауумдан къуралгъан: малкъар эм къабарты) ючайлыкъ жолгъа кетеди. Иш тынгылы къуралгъаны себебли, экспедицияны келечилери чырмаусуз, жетишимли ишлеп, иги кесек материал да жыйып республикагъа къайтадыла. Экспедициягъа къатышханланы, биринчи болуп, республиканы ол замандагъы президенти Коков В.М. бла Правительствосуну башчысы Черкесланы Г.М., институтну директору Думанов Х.М. бла бирге Улакъланы Махтини кеслерине чакъырып, тынгылы хапар сурайдыла.

Экспедициягъа къатышханла бла республиканы журналистлери радио бла, телевидения бла да иги кесек бериу этедиле, газетледе, журналлада да кёп сейир материал басмалайдыла: къыз къачыргъанны, сабийни бешикте салгъанны, ёлюкню асырагъанны эм дагъыда кёп затны юсюнден хапар айтылады, аланы энчиликлери белгиленеди. Ол экспедицияны хайырындан эки жанындан да кёп тукъумла байламлыкъ жюрютюп башлайдыла; тыш къыраллы жерлешлерибиз да Кавказдан тынгылы хапар биледиле. Андан сора да саулайда малкъар миллетге Сирияда жашагъан таулуланы атындан институтну атына жылы салам къагъыт келгенин алимле бюгюн да тансыкълап эсгередиле. Айхайда, аллай халкъла аралы илму экспедицияны илму эм политика магъанасы бек улуу эди. Ол материалладан къуралгъан бериуле бусагъатда да радиода, телевиденияда да кезиуден –кезиуге бериле турадыла.

Жашауун илму бла байламлы этген алим, экспедицияланы магъанасын теренден ангылап, 1992 жылда, кезиулю экспедицияланы заманында, Турцияны Самсун шахарында тюрк тилден курсланы ётюп, билимин ёсдюргенди, курслагъа къатышхан битеу тюрк тилли халкъланы келечилери бла танышханды эм кёбюсю бла шуёхлукъ жюрютеди. Ол зат а саулай тюрк дуняны бютюнда кючлерге, бирикдириге, артыгъыракъ да Халкъла аралы тюрк академияны къуаргъа улуу себеблик этгенди. Улакъ улу ол академияны Къабарты-Малкъар бёлюмоне бир къауум жылны башчылыкъ этип тургъанды.

Бусагъатда, дуняда хар затха да, ол санда илмугъа да кёз къарам тюрленип, аны тамамлауда излемле кючленип барадыла. Профессор, биринчилени санында болуп, жангычылыкъла бла кеси уста шагъырей болады эм башха алимлеге да билимни, илмуну жолунда жюрюр амалланы юйретеди.

Алим адам, халкъыны кёлден чыгъармачылыгъын, ана тилин, адабиятын, тарыхын уста билирге, миллетни, республиканы, къыралны да тамблагъы кюнюн терен оюмлап, хар ишине да тири къатышыргъа борчлуду. Улакъ улу, хар ишин ол ангыламгъа тамам сыйындырып, илмугъа, жамауатха да тийишлисича къуллукъ эте биледи, миллетини, тукъумуну, туугъан элини да атларын иги бла айтдырады.

Бюгюнлюкде 70-жыллыкъ юбилейине жетишген оюмлу оноучу, белгили алим, жаш адамланы билимни, илмуну жолуна тюзете *«къарыулу бирни жыгъар, билимни мингни жыгъар»* деп, шош ышарыуун бла жарыкълыгъын саугъалай, насийхат сёзюн айта, адамлыкъ, алимлик жолда да юлгюлю болургъа юйретеди.

Биз илму жолда кёплеге билеклик этип тургъан, багъалы алим къарындашыбызны, огъурлу устазыбызны къууанчлы байрамы бла жүрекден алгъышлайбыз! Улуу Аллах илмуну жолунда жангы жетишимлеге жол ача, энтта да кёп жылланы аллыбызда жүрюрча кюч да, къарыу да, саулукъ да, узакъ ёмюр да берсин дейбиз!

Хайырланылгъан литература

1. *Башиева С.К., Улаков М.З.* Правовой статус кабардино-черкесского и карачаево-балкарского языков как один из способов их защиты и сохранения // Известия Кабардино-Балкарского научного центра РАН. 2015. № 1 (63). С. 284–289.

2. Башиева С.К., Улаков М.З., Хамдохова Ж.М. Языковая ситуация в Кабардино-Балкарской республике: состояние и проблемы. Нальчик: Изд-во КБНЦ РАН, 2016. 172 с.
3. Кетенчиев М.Б. Жизнь дана на добрые дела // Кабардино-Балкарская правда. 2001. 21 фев.
4. Куишабиев А.В., Улаков М.З., Алхасов М.М., Табаксоев И.А. Трансформация системы ценностей населения Кабардино-Балкарии в современных условиях. Нальчик: Изд-во КБНЦ РАН, 2019. 192 с.
5. *КъМТАС I* – Къарачай-малкъар тилни ангылатма сѣзлюгю. Ючтомлукъ. Т. I. А–Ж. Нальчик: Эль-Фа, 1996. 1019 б. (Толковый словарь карачаево-балкарского языка: в 3-х т. Т. I. А–Ж. Нальчик: Эль-Фа, 1996. 1019 с.).
6. *КъМТАС II* – Къарачай-малкъар тилни ангылатма сѣзлюгю. Ючтомлукъ. Т. II. З–Р. Нальчик: Эль-Фа, 2002. 1171 б. (Толковый словарь карачаево-балкарского языка: в 3-х т. Т. II. З–Р. Нальчик: Эль-фа, 2002. 1171 с.).
7. *КъМТАС III* – Къарачай-малкъар тилни ангылатма сѣзлюгю. Ючтомлукъ. Т. III. С–Я. Нальчик: Эль-Фа, 2005. 1159 б. (Толковый словарь карачаево-балкарского языка: в 3-х т. Т. III. С–Я. Нальчик: Эль-фа, 2005. 1159 с.).
8. *КъМТСС 2017* – Къарачай-малкъар тилни синонимлерини сѣзлюгю. Нальчик: «Печатный двор» басма ара, 2017. 556 б. (Словарь синонимов карачаево-балкарского языка. Нальчик: Печатный двор, 2017. 556 с.).
9. *СКБЯ 1 2016* – Современный карачаево-балкарский язык. В 2-х ч. Ч. 1. Нальчик: Печатный двор, 2016. 442 с.
10. *СКБЯ 2 2018* – Современный карачаево-балкарский язык. В 2-х ч. Ч. 2. Нальчик: Печатный двор, 2018. 480 с.
11. Улаков М.З. Избранные труды. Нальчик: Изд-во КБНЦ РАН, 2010. 364 с.
12. Улаков М.З. История карачаево-балкарского языка (курс лекций). Нальчик: Изд-во КБНЦ РАН, 2001. 78 с.
13. Улаков М.З. Махиева Л.Х. Карачаево-балкарско-русский словарь лингвистических терминов. Нальчик: Изд-во КБНЦ РАН, 2008. 104 с.
14. Улаков М.З. Очерки истории карачаево-балкарского языка (учебное пособие). Нальчик: Изд-во КБНЦ РАН, 2005. 105 с.
15. Улаков М.З. Проблемы лексической стилистики карачаево-балкарского языка. Нальчик: Эльбрус, 1994. 116 с.
16. Улаков М.З. Термины животноводства в карачаево-балкарском языке: автореф. дис. ... канд. филол. наук. Баку, 1983. 22 с.
17. Улаков М.З., Махиева Л.Х. Проблемы терминологии карачаево-балкарского языка. Нальчик: Изд-во КБНЦ РАН, 2019. 118 с.
18. Улаков М.З., Чеченов А.А. Письменные памятники тюркских языков как источник истории современного карачаево-балкарского языка (спецкурс). Нальчик: Изд-во КБНЦ РАН, 2003. 51 с.

МАХТИ ЗЕЙТУНОВИЧУ УЛАКОВУ – 70 ЛЕТ

Махиева Людмила Хамангериевна, кандидат филологических наук, ведущий научный сотрудник сектора карачаево-балкарского языка Института гуманитарных исследований – филиала Федерального государственного бюджетного научного учреждения «Федеральный научный центр «Кабардино-Балкарский научный центр Российской академии наук» (ИГИ КБНЦ РАН), liudmila.makhiieva@mail.ru.

Локьяева Жаухар Магомедовна, младший научный сотрудник сектора карачаево-балкарского фольклора Института гуманитарных исследований – филиала Федерального государственного бюджетного научного учреждения «Федеральный научный центр «Кабардино-Балкарский научный центр Российской академии наук» (ИГИ КБНЦ РАН), lokyaeva.zh@mail.ru.

Статья посвящена юбилею ведущего тюрколога – языковеда, доктора филологических наук, профессора, заслуженного деятеля науки КЧР и КБР, академика Международной тюркской академии, члена Российского комитета тюркологов Махти Зейтуновича Улакова. В течение многих лет он успешно сочетает руководящую должность и научную деятельность. Как видный языковед-тюрколог, талантливый педагог и умелый организатор науки

М.З. Улаков внес, бесспорно, весомый вклад в развитие не только карачаево-балкарского языкознания, тюркологии, но и отечественной науки. Он является автором 19 книг и около 170 научных статей. Научные труды М.З. Улакова. по различным разделам родного языкознания и социалингвистики известны далеко за пределами республики и даже страны.

Наряду с научной и организационной деятельностью он внес большой вклад и в дело подготовки научных кадров. Под его научным руководством успешно защитили работы около десятка диссертантов. В 2000–2006 гг. он занимал должность профессора кафедры карачаево-балкарского языка и литературы КБГУ и издал несколько работ, адресованных студентам, аспирантам и соискателям. Он неоднократно приглашался и в разные годы успешно работал председателем Государственных экзаменационных комиссий в КБГУ и КЧГУ.

Монографии, словари, учебники и учебные пособия, написанные М.З. Улаковым, являются настольными книгами всех, кто интересуется карачаево-балкарской филологией.

Ключевые слова: известный ученый, тюрколог, профессор, карачаево-балкарская филология, социалингвистика, лексикография, терминология.

MAHTI ZEITUNOVICH ULAKOV – 70 YEARS

Mahieva Lyudmila Hamangerievna, Candidate of Philology, Associate Professor, Leading Scientific Worker of the Sector of Karachay-Balkarian Language of the Institute for the Humanities Research – Affiliated Federal State Budgetary Scientific Establishment «Federal Scientific Center «Kabardian-Balkarian Scientific Center of the Russian Academy of Sciences» (IHR KBSC RAS), lyudmila.makhiieva@mail.ru.

Lokyaeva Jauhar Magomedovna, Junior Scientific Worker of the Sector of Karachay-Balkarian Folklore of the Institute for the Humanities Research – Affiliated Federal State Budgetary Scientific Establishment «Federal Scientific Center «Kabardian-Balkarian Scientific Center of the Russian Academy of Sciences» (IHR KBSC RAS), lokyeva.zh@mail.ru.

The article is devoted to the anniversary of the leading Turkologist – linguist, Doctor of Philology, Professor, Honored Scientist of the KChR and KBR, academician of the International Turkic Academy, member of the Russian Committee of Turkologists Mahti Zeitunovich Ulakov. For many years he successfully combines a managerial position and scientific activity. As a prominent linguist-Turkologist, a talented teacher, and a skillful organizer of science, M.Z. Ulakov undoubtedly made a significant contribution to the development of not only Karachay-Balkarian linguistics, Turkology, but also domestic science. He is the author of 19 books and about 170 scientific articles. Scientific works of M.Z. Ulakov on various branches of native linguistics and sociolinguistics are known far beyond the borders of the republic and even the country.

Along with scientific and organizational activities, he made a great contribution to the training of scientific personnel. Under his supervision successfully defended the work of about a dozen post-graduate students. In 2000–2006 he held the position of professor of the Department of Karachay-Balkarian Language and Literature of KBSU and published several works, addressed to students, postgraduates and applicants. He was repeatedly invited and in different years successfully worked as the chairman of the State Examination Commissions in KBSU and KChSU.

Monographs, dictionaries, textbooks and training manuals, written by M.Z. Ulakov, are the reference books of all those, who are interested in Karachay-Balkarian philology.

Keywords: famous scientist, Turkologist, professor, Karachay-Balkarian philology, sociolinguistics, lexicography, terminology.